



©E drejta e autorit: Asambleja Biblike  
Pogradec

Pa autorizim nga autori nuk lejohet  
shtypja apo riprodhimi i tekstit.

Citimet biblike janë nga bibla "Diodati i Ri" (1991 - 1994).  
Përdorur me leje nga ALBANIAN BIBLE SOCIETY - A.B.S.,  
TIRANË

---

## Mëkati i Bathshebës

---

Asambleja Biblike 2000  
Pogradec

Me fillimin e vitit të ri, në kohën kur mbretërit shkojnë të luftojnë, Davidi dërgoi Joabin me shërbëtorët e tij dhe me tërë Izraelin për të shkatërruar vendin e bijve të Amonit dhe për të rrethuar Rabahun; por Davidi mbeti në Jeruzalem. Një mbrëmje u ngrit nga shtrati i tij dhe filloi të shëtisë në tarracën e pallatit mbretëror. Nga tarraca pa një grua që po bënte banjë. Gruaja ishte shumë e bukur. Kështu Davidi dërgoi të kërkojë informata për gruan. I thanë: «Është Bath-Sheba, bija e Eliamit, bashkëshortja e Hiteut Uriah». Davidi dërgoi lajmëtarë për ta marrë. Kështu ajo erdhi tek ai dhe ra në shtrat me të. Pastaj u pastrua nga papastëria e saj dhe u kthye në shtëpinë e vet. Gruaja mbeti me barrë dhe ia njoftoi Davidit, duke i thënë: «Jam me barrë». (2 Sam. 11:1-5).

Ne dëgjojmë shumë për mëkatin e Davidit, por rrallë dëgjojmë ndonjë gjë për mëkatin e Bathshebës. Është e vërtetë që mëkati i Davidit ishte shumë i madh, ndërsa mëkati i saj ishte i vogël. I tiji ishte i paramenduar, kurse i saj ishte pa paramendim. Davidi shkeli kurorën dhe vrau me paramendim, kurse Bathsheba u zbulua pa kujdes përpara syve të Davidit. Ne nuk kemi ndonjë dyshim që mëkati i Davidit ishte i madh, dhe mëkati i Bathshebës i vogël. Por, është një fakt që mëkati i vogël i Bathshebës ishte shkaku për mëkatin e madh të Davidit. Mëkati i vogël i saj, pakujdesia, vepra e pamenduar e saj, dhe zbulimi i pakujdesshëm para Davidit ishin shkëndijat që shkaktoi një zjarr që përpiu Davidin. Ja sa e vërtetë është fjala e urtë: Një zjarr i vogël ç'pyll të madh djeg. Veprimi i Bathshebës ishte, nga njëra anë, vetëm një vepër e pamenduar, por në anën tjetër ishte imoralitet, vrasje, blasfemi kundër Zotit nga armiq të Perëndisë, turpërim nga një shtatzëni e paligjshme, humbja e një foshnjeje të pafaj dhe një shpatë që nuk do të largohet nga shtëpia e Davidit. Në të vërtetë, një e keqe e madhe erdhi nga një veprim i pamenduar. Pa dyshim, në qoftë se Bathsheba do të kishte vepruar me kujdes dhe nuk do të kishte zbuluar

trupin e saj përpara një burri, asgjë e keqe nuk do të kishte ndodhur. Ajo nuk u zbulua me qëllim, por u tregua mendjelehtë, nuk u mundua të arsyetojë për veprimin që Davidi i kërkonte asaj të bënte. Megjithatë, rezultati ishte njëloj sikur ajo të kishte vepruar me qëllim.

Në ditët e sotme, shumë gra të Krishtera janë fajtores për të njëjtën vepër të pakujdesshme si Bathsheba. Këto gra, që do të dënonin një grua që shfaq trupin e saj me qëllim, megjithatë shfaqin trupin e tyre në mënyrë të pakujdesshme e të pamenduar. Ato e bëjnë këtë me anë të mënyrës së veshjes së tyre. Kjo nuk është një akuzë që ato e bëjnë këtë me dëshirë. Përkundrazi, shumë gra janë aq pa faj sa Bathsheba. Por, kjo nuk i justifikon ato nga i gjithë faji. Bota është e zgjuar dhe di që lloje të ndryshme të veshjes femërore janë provokuese dhe tunduese për sytë dhe zemrën e një burri. A janë vetëm gratë e Krishtera naive për këtë fenomen?

Tani ne nuk po shkruajmë këtë për të të akuzuar për pakujdesi në të kaluarën, por për të të nxitur për dashuri dhe vepra të mira. Ne shpresojmë që ti do të mendosh më tepër për pakujdesinë tënde dhe që të mos bësh ndonjë gjë që mund të çojë vëllanë tënd të pengohet, ose të skandalizohet. Ne lutemi që ti të bëhesh më e mençur në të menduarit tënd sesa përpara.

Gjëja e parë që duhet të kuptosh është që lakuriqësia gjithmonë është e gabuar. Kjo është e gabuar jo vetëm për një burrë, por është e gabuar edhe për një grua. Kur Adami dhe Eva mëkatuan, Perëndia "i bëri tunika prej lëkure dhe i veshi" (Zan. 3:21). Arsyja e vetme që Ai i veshi ishte për të mbuluar lakuriqësinë e tyre. Vëzhgo që Ai i veshi me tunika. Megjithëse ata visheshin tashmë me breza (Zan. 3:7), të cilat mbulonin më shumë sesa shumë veshje që përdorin njerëzit sot, ata kuptuan që ishin lakuriq në sytë e tyre dhe të Perëndisë. Perëndia nuk i veshi ata me minifunde ose me kostume banje, ose me ndonjë rrobë të tillë, por me tunika. Është e qartë që Perëndia nuk e veshi Evën me një tunikë dhe Adamin me një palë pantallona të shkurtra, por të dy me tunika. Nga kjo ne kuptojmë që lakuriqësia është e gabuar për një burrë si dhe për një grua.

Por, nuk është aq e rrezikshme për një burrë kur zbulon trupin e tij. Një burrë mund të jetë lakuriq shtatë dhjetë për qind dhe shkakton shumë

pak dëm. Kurse, kur një grua zbulohet vetëm pak, ajo bëhet si një shtizë të zjarrtë që tundon zemrën e çdo burri, që e shikon. Kjo është e vërteta. Ti nuk je e lirë për t'u veshur në çdo mënyre që të kënaq. Fjala e Zotit thotë: "A nuk e dini se trupi juaj është tempulli i Frymës së Shenjtë që është në ju, të cilin e keni nga Perëndia dhe se nuk i përkitni vetvetes? Sepse u bletë me një çmim! Përlëvdoni Perëndinë, pra, në trupin tuaj dhe frymën tuaj, që i përkasin Perëndisë." (1 Kor. 6:19-20). Por, n.q.s. ti vishesh në mënyre që trupi yt ose disa pjesë të tij zbulohen aq shumë sa që një burrë do të të shikojë, nuk e përlëvdon Perëndinë në trupin tënd. N.q.s. ti e ke frikë Zotin dhe e do të afërmin tënd, nuk ke të drejtë të vishesh kështu. Ti nuk ke të drejtë për ta përdorur Tempullin e Perëndisë si një vegël të padrejtësisë për të tunduar pasionet e burrave.

Pa dyshim, shumë burra nuk janë të liq, por vetëm të dobët. Davidi nuk ishte i lig. Ai ishte një burrë sipas zemrës së Perëndisë (Veprat 13:22). Por para një gruaje të zbuluar, ai ishte i dobët. Vëllezërit e tu në Krishtin nuk janë të liq, nganjëherë janë të dobët, dhe djalli po bën gjithçka për t'i dobësuar ata më tepër. Ata duhet të jetojnë në këtë botë ku shikojnë ditaditës shumë gjëra, të cilat janë modeluar nga armiku i frymëve të tyre për ta dobësuar moralin e tyre dhe për ta shkatërruar pastërtinë e zemrës të tyre. A duhet që gratë e Krishtera ta ndihmojnë djallin për ta plotësuar qëllimin e tij? A mund t'u bëhen ato një tundim vëllezërve të tyre, madje në Kishën e Perëndisë? Oh, sikur të mund të kuptosh konfliktin e egër dhe të hidhur në frymën e vëllezërve të tu kur ti zgjon pasionet e tyre me shfaqjen e pamenduar të bukurisë tënde! Oh, sikur të mund të dëgjosh lutjet e tyre drejtuar Perëndisë për ndihmë dhe rrugëdalje nga fuqia e atyre tundimeve! Oh, sikur të mund të shikosh lotët e turpshëm të pendimit të tyre kur tundimi i ka mundur dhe ata kanë mëkatuar me sytë, zemrën dhe mendjen e tyre! Nëse ti do të mund të shihje këto, atëherë do të kuptosh se nuk ke të drejtë të vishesh si të pëlqen.

Fakti është që ti nuk ke asnjë të drejtë të tillë. Me veshjen tënde të pamenduar, ti nuk ke të drejtë të shkatërrosh vëllanë tënd për të cilin Krishti vdiq. Ti u bleve me një çmim dhe nuk i përket vetvetes. Ti ke një detyrim moral për ta përlëvdur Perëndinë në trupin tënd, duke mos u veshur sipas

vullnetit tënd, por sipas vullnetit të Zotit. Në të vërtetë, një dashuri e vogël ndaj vëllezërve të tu do të largonte përgjithmonë dëshirën e zemrës sate për t'u veshur në mënyrën që të pëlqen. Sepse, "edhe ne, që jemi të fortë, duhet të mbajmë dobësitë e atyre që janë të dobët dhe jo t'i pëlqejmë vetes. Secili nga ne le t'i pëlqejë të afërmit për të mirë, për ndërtim, sepse edhe Krishti nuk i pëlqeu vetes së tij, por sikurse është shkruar: «Sharjet e atyre që të shanin ty, ranë mbi mua»." (Rom. 15:1-3). Krishti e mohoi vetveten, e la të gjithë lavdinë e qiellit dhe i barti mëkatet e tu në trupin e tij mbi drurin e kryqit që të shpëtonte frymën tënde. Edhe ti do të kërkosh se ke të drejtë për t'i pëlqyer vetes me veshjen tënde? A nuk mund të mohosh qejfin në jetën tënde për ta shpëtuar frymën e një burri tjetër? A nuk mund të bartësh disa sharje të vogla, kur ti nuk vishesh sipas botës që ta ndihmosh vëllanë tënd në betejën e tij kundër mëkatit?

Ka mundësi që ti mendon se po shkruajmë shumë për një gjë të vogël, ose që ky problem nuk është aq serioz sa po e përshkruajmë. Por përpiku të kuptosh: ti je një grua dhe nuk mund të kuptosh pasionet e një burri. Ti ke pasionet e tua, por ato nuk janë njëllor si pasionet e një burri. Pasionet e tua nuk janë aq të zjarrta si të tijat. Fakti është ky: pasionet e një burri ndizen nga shikimi i bukurisë së një gruaje. Davidi është një shembull për këtë fenomen. Mëkati i tij filloi kur ai shikoi Bathshebën duke u larë. Është e vërtetë që shumë burra do të kundërshtojnë tërheqjen tënde më mirë sesa Davidi me Bathshebën. Ata, mbase, nuk do të vrapojnë pas teje aq shumë sa Davidi. Por, si mund të dish që ata mund të kundërshtojnë mendimet dhe dëshirën e imoralitetit? Si mund të dish që ata nuk mëkatojnë me sytë dhe zemrën e tyre? Ti e di shumë mirë që "kushdo që shikon një grua për ta dëshiruar, ka shkelur kurorën me të në zemrën e vet." (Mat. 5:28). Dhe ti thua që ky nuk është një problem shumë serioz? Ky është shumë serioz, sepse ky është mëkat, dhe mëkati është serioz. Mëkati shformon, shkatërron, dëmton dhe dënon. Dhe n.q.s. ti dëshiron të dish sa serioz është mëkati, atëherë shiko vargun 29: "N.q.s. syri yt i djathtë të çon në mëkat, hiqe dhe flake larg teje, sepse është më mirë për ty që të humbësh një nga gjymtyrët e tu sesa të hidhet në Gehena gjithë trupi yt." Ky është një varg shumë solemn në Bibël për seriozitetin e mëkatit. Ky varg ka një lidhje

me mëkatin që shkakton veshja jote. Kjo nuk është një çështje e lehtë dhe ti nuk duhet ta trajtosh kështu.

Tani ka mundësi që ti të thuash, "Amen, gjithçka është e vërtetë; por unë nuk kam nevojë për ta dëgjuar, sepse unë vishem me modesti." A je e sigurt për këtë? N.q.s. ti ndjek praktikimet e botes, është e sigurt që ti nuk vishesh me modesti, sepse, në përgjithësi, praktikimet e botës janë në kundërshtim me modestinë. Ka mundësi që ti, si grua, nuk mund të shikosh vetveten nëpërmjet syve të burrave për të kuptuar që disa mënyra të veshjes janë tundime shumë të mëdha përpara burrave. Perëndia thotë: "Jini, pra, të mençur si gjarpërinjtë dhe të pastër si pëllumbat." (Mat. 10:16). Por, n.q.s. ti vishesh si bota, është e sigurt që ti nuk je e mençur as e pastër. S'je e mençur sepse ti ndjek një sistem veshjeje që është krijuar nga njerëz të liq për të shkatërruar moralin e njerëzve. As e pastër, sepse megjithëse nuk dëshiron, ti e bën vetveten si një shtizë të zjarrtë në duart e të ligut për të tunduar zemrën e çdo burri, që të shikon.

Më fal që ne kemi folur shumë hapur, por kjo ishte e nevojshme. Ne besojmë që ti e kupton që është e nevojshme që të vazhdojmë me disa gjëra që të bëhesh e mençur. Kur kjo është e plotësuar, ne kemi siguri që ti, një grua që kërkon shenjtërinë e Perëndisë në jetën tënde, do të bëhesh e pastër.

Siç e thamë më lart, qëllimi i rrobave, si me Adamin dhe Evën, është për të mbuluar lakuriqësinë e tyre, dhe ndonjë rrobë që nuk e bën këtë, nuk është e drejtë. Për shembull, kofshë të zhveshura, kurrize të zhveshura, barqe të zhveshura janë të gabuara në sytë e Zotit, i cili mbuloi Adamin dhe Evën me tunika për të mbuluar lakuriqësinë e tyre. Pantallona të shkurtra, mini-funde, kostume banje, ose rroba të tilla që zbulojnë qëllimisht trupin tënd, nuk kanë asnjë vend në veshjen e një gruaje, e cila i kushtohet perëndishmërisë. Megjithëse bota do të vishet në kundërshtim me perëndishmërinë, ti duhet të bësh të drejtën. Dhe, megjithëse të krishterët e tjetra do të vishen sipas standardit të botës, ti duhet të bësh të drejtën. Dhe këto gjëra, për të cilat ne kemi shkruar, janë aq të qarta dhe aq të vërteta sa nuk duhet të ketë asnjë dyshim për çfarë është e vërteta. Megjithatë, shumë predikues të sotëm do të mbrojnë atë që quhet 'banjë e

përzier", d.m.th. burra dhe gra që notojnë bashkë, ku secili është pothuaj i zhveshur. Ji i sigurt, që ata nuk do ta mbrojnë këtë veprim kur të jenë përpara fronit të Perëndisë në gjykim. N.q.s. ata nuk turpërohen tani, në atë kohë do të turpërohen. Meqenëse këto gjëra janë shumë të qarta dhe të kuptueshme për dikë që i kushtohet perëndishmërisë, le të flasim për disa gjëra të tjetra që janë po aq të rëndësishme për t'i patur parasysh.

#### Fustane të shkurtër

Ti nuk ke nevojë për asnjë person tjetër për të të treguar ty që fustanet e shkurtra nuk janë të drejtë. Bota e tërë e di që sytë e burrave provokohen me ato. Por gratë që i kushtohen perëndishmërisë shumë shpesh do të hyjnë në debat për sa e shkurtër është e mjaftueshme të bëhen fustanet e tyre, ndërsa të cilat janë pak më e gjatë sesa standardi i botes. Por kjo sjellje nuk është e drejtë sepse ne krahasojmë veshjen tonë me botën. Është më mirë përpara Zotit, n.q.s. ti vishesh me një fustan që ka një gjatësi që është e drejtë përpara Perëndisë, aq e drejtë sa që veshja jote nuk do të tundojë një burrë. Ti mund të qëndrosh përpara pasqyrës dhe të përpiqesh të bindësh veten që fustani yt nuk zbulon asgjë, por kur ulesh, ose përkulesh, ti je një shfaqje e madhe lakuriqësie. Sa turp është për ty! Megjithëse ti nuk e beson këtë, këmbët dhe kofshët e tua të zhveshura janë një tundim i madh për sytë e një burri.

Për të njëjtën arsye, ti nuk duhet të vishesh me fustane me një të çarë në një anë. Për çfarë qëllimi ti e ke bërë këtë të çarë në fustanin ose fundin tënd? A mund të ecësh më mirë me një të çarë? N.q.s. po, kjo është shumë e keqe. N.q.s. fundi yt është aq i shtrënguar sa ti nuk mund të ecësh pa një të çarë, është mirë n.q.s. ti e hedh dhe blen diçka më të madhe. Sa i gjatë duhet të jetë fustani yt? N.q.s. duke u ulur ose duke u përkulur gjunjë e tu të mbulohen mirë. Atëherë, ti je e sigurt. Por, n.q.s. fustani yt mbulon vetëm gjunjë e tu kur ti qëndron në këmbë, atëherë ky fustan është shumë i shkurtër. Ai është i përshtatshëm vetëm po të qëndrosh gjithmonë në këmbë.

#### Qafë e ulët e bluzës

Përsëri, gjithë bota e di shumë mirë që bluza e hapur shumë është një tundim i madh për sytë e burrit. N.q.s. ti je një grua e Krishterë, pa dyshim ti nuk do të vishesh me dëshirë me një bluzë të tillë. Sidoqoftë, ka mundësi që ti po e bën këtë pa mend. Por, jo vetëm një qafë e ulët është një ofendim, por edhe një qafë e madhe dhe e lirë. Ti mund të qëndrosh drejt përpara një pasqyre me një qafë të ulët, të madhe ose të lirë dhe mendon që je modeste, por po përkulesh pak, bluza jote largohet nga trupi yt dhe menjëherë ti ke zbuluar një pjesë të trupit tënd që është shumë provokuese dhe shumë tunduese për një burrë. Kjo është e vërtetë. Edhe kur ti vishesh me disa kopsa të sipërme të shkopsitura. Në të vërtetë, një grua që vishet kështu jep përshtypjen që ajo vishet në këtë mënyrë me dëshirë për të tunduar një burrë dhe për të nxitur pasionet e tij. Dhe kur një burrë sheh që ti je veshur kështu, vallë a do të mendojë që ti nuk e ke bërë këtë me qëllim? A dëshiron ti ta japësh këtë përshtypje? N.q.s. jo, atëherë ndryshoje qafën e bluzës sate, dhe kopsiti kopsat e saj. Edhe pse, bota do të bëjë ndryshe, ti bëj çfarë është e drejtë.

#### Bluzë pa mëngë

Bluzat pa mëngë pothuaj gjithmonë zbulojnë shumë. Ti duhet të kuptosh që njerëzit të shikojnë ty nga të gjitha anët. Kur ti ngre krahët e tu, është e pamundur që një person të mos shikojë një pjesë të kraharorit tënd. Kjo është e vërtetë me bluzat me mëngë të shkurtra dhe të mëdha. Ato janë modeste vetëm kur ti i mban krahët e mbyllur. Por në momentin kur ti ngre krahët e tu, krijon një hapje nëpër të cilën një burrë mund ta shikojë kraharorin tënd. Ky është një realitet kur ti vishesh kështu. N.q.s. vëllai yt në besim mund të tundohet nga veshja jote, është më e mirë të mohosh vetveten dhe të vishesh ndryshe, sesa ta skandalizosh atë.

#### Rrobat e hollë, të tejdukshme

Nuk është e nevojshme për të folur për rroba të tillë, nëpër të cilat një burrë mund të shikojë trupin tënd. Qëllimi i rrobave, sipas vullnetit të Zotit, është për ta penguar këtë. Të vishesh në mënyrë të gabuar, kur trupi yt zbulohet nëpër rrobat e tua, është në kundërshtim me vullnetin e Zotit. Po

të vishesh në këtë mënyrë, ti shkakton një tundim përpara një burri dhe i nxit pasionet e tij. Kur një burrë sheh që ti je veshur kështu, vallë a do të mendojë që ti nuk e ke bërë këtë me qëllim? A je ti fajtores për këtë? Po, atëherë, pendohu për këtë veshje dhe prano një standard që është sipas vullnetit të Zotit dhe vishu për ta mbuluar trupin tënd.

#### Rroba të shtrënguara

Të vishesh me rroba të shtrëguara është po aq e keqe sa veshja që e zbulon lakuriqësinë tënde, sepse veshjet e shtrëguara zbulojnë formën e trupit tënd. E gjithë bota e di që rroba të tilla janë provokuese. Pra, kur një burrë shikon një grua, e cila vishet me rroba të shtrëguara, të cilat zbulojnë tërë format e trupit të saj, si mund ta shmangë ai mendimin që ajo vishet kështu për ta tunduar atë? Veshje të tilla, pa dyshim, kundërshtojnë vullnetin e Perëndisë për qëllimin e rrobave. Çdo grua që pohon se e njeh Perëndinë në zemrën e saj, duhet të refuzojë rroba të tillë, të cilat e zbulojnë formën e trupit të saj. Ti duhet të shmangesh rroba që shtrëngohen fort mbi trupin tënd. Shumë shpesh, triko, pulovra, dhe bluza janë aq të shtrëguara sa ato zbulojnë shumë lehtë formën e trupit tënd. Pa dyshim, një grua e Perëndisë duhet të shmangë veshjet e shtrëguara, sidomos ndonjë veshje që zbulon gjinjte e saj. Pa dyshim, shikimi i gjinjve të tu do të shkëpusë sytë e një burri dhe do të nxitë pasionet e tij aq shumë sesa ndonjë shikim tjetër mbi tokën. Dhe ky shikim nuk është vetëm kur gjinjte e tua zbulohen, por edhe kur forma e tyre zbulohet. Ty dyja janë të barabarta në efekt.

Kjo është e vërtetë për disa lloje të tjera rrobash. Për shembull, fundet e shtrëguara mund t'i nxitin shumë lehtë pasionet e një burri sepse ato zbulojnë formën tënde. Edhe pantallonat e shtrëguara kanë të njëjtin efekt. Pse? Le të shpjegojmë këtë fenomen. Perëndia ka krijuar një dallim midis femrave dhe meshkujve. Për shembull, Fjala e Zotit thotë: "Gruaja nuk do të veshë rroba burrash, as burri nuk ka për të veshur rroba grash, sepse kushdo që bën gjëra të tilla neveritet nga Zoti, Perëndia yt." (Ligji i Përtërirë 22:5). D.m.th., vullneti i Zotit është që një burrë të vishet si një burrë dhe një grua si një grua. Perëndia e njeh shumë mirë që burrat duhet të vishen në një mënyrë dhe gratë në një mënyrë tjetër. Kjo është arsyeja pse

nuk është mirë për një grua që të vishet me pantallona të shtrënguara. Pantallona të tilla zbulojnë formën tënde dhe nxitin pasionet e një burri. Ndoshta shume rrallë të shohim një palë pantallona grash që janë modeste, sidomos në ditët e sotme, ku stili nga bota për një grua është të vishet me rroba të shtrënguara. Në të vërtetë, një fustan i lirë dhe i gjatë është veshja më e mirë për një grua që po kërkon mbretërinë e Perëndisë dhe drejtësinë e Tij.

### Përfundimi

Ne shpresojmë që këto mendime janë një ndihmë për ty. Por, ka mundësi që ti të mos jesh dakord me të gjitha këto. Ndoshta ti thua në zemrën tënde: "Ç'të drejtë kanë ata që japin të tilla këshilla për të gjitha këto gjëra." N.q.s. ne do të jetonim pa mëkat në kopshtin e Edenit, ti mund të visheshe si të dëshiroje, ose të mos visheshe fare dhe asnjëri nuk do të skandalizohej prej kësaj. Por, në këtë botë ti nuk mund të jetosh kështu, dhe n.q.s. ti bën si do vete, do të shtosh, thjesht, më shumë mëkatet në këtë botë që është e sëmurë tashmë nga mëkati. Ne shkruajmë për gratë e sinqerta, të cilat dëshirojnë për të plotësuar të drejtën, por nuk mund të njohin udhën e drejtësisë pa disa mësim nga burrat që e njohin efektin e veshjes së tyre mbi pasionet e tyre. Ne mendojmë që gratë e sinqerta do të jenë të lumtura për t'i marrë këto mësim. Zakonisht, gratë që kanë më shumë dashuri për botën, sesa për drejtësinë, do t'i refuzojnë ato.

Ndoshta ti mendon që një burrë që vëzhgon një grua dhe tundohet nga pasionet e tij është i korruptuar. Në të vërtetë, të gjithë burrat në botë kanë këtë problem në jetën e tyre. Ne jemi mëkatarë dhe zemrat tona kanë, natyrisht, një tundim për të mëkatuar. Mëkatet na qarkojnë vazhdimisht duke na joshur (Heb. 12:1). Zemrat tona kanë një dobësi që ne duhet të bëjmë të vdesim çdo ditë mishin tonë për të mos mëkatuar (Kol. 3:5). Për një burrë, kjo është një luftë kundër mëkatit (Heb. 12:4). A do të bësh ti gjithçka që është në fuqinë tënde për të na ndihmuar për të mundur mëkatit?

Ndoshta ti mendon që, n.q.s. një burrë të vëzhgon, dhe ai mëkaton, atëherë problemi është i tiji, jo yti. "Por, nëse vëllai yt trishtohet për shkak

të një ushqimi, ti nuk ecën më sipas dashurisë; mos e bëj atë të humbasë me ushqimin tënd atë për të cilin Krishti vdiq ... Është mirë të mos hajë mish (ose veshja jote) njeriu, as të mos pijë verë, as të mos bëjë gjë që mund ta çojë vëllanë tënd të pengohet, ose të skandalizohet ose të dobësohet. (Rom. 14:15,21). Dhe "Ai, pra, që di të bëjë të mirë edhe nuk e bën, bën mëkat." (Jak. 4:17). N.q.s. ti je e padijshme plotësisht për ndikimin që veshja jote ka mbi një burrë, ka mundësi ti je pa mëkat. Përndryshe, ti je fajtores.

Ndoshta ti mendon që kjo është një çështje e vogël dhe nuk meriton kaq shumë kujdes. Ndoshta ti mendon që ne duhet të kemi më shumë interes për gjëra më të rëndësishme të ligjit, gjërat në zemrat tona dhe nuk duhet të shqetësohemi për një gjë të jashtme. Është e vërtetë që kjo është një gjë e jashtme, por nuk është një gjë e vogël. N.q.s. ti mund të lexosh Mateu 5:28-29, dhe ende mendon që kjo është një gjë e vogël, ne dyshojmë për inteligjencën ose perëndishmërinë tënde. Edhe pse një person mund të mendojë që kjo është një gjë e vogël nuk është një justifikim për të mos iu bindur Perëndisë, sepse Ai ka thënë: "Kush është besnik në të vogla, është besnik edhe në të mëdhatë; dhe kush është i padrejtë në të vogla, është i padrejtë edhe në të mëdhatë." (Lluka 16:10). Përveç kësaj, Jezus Krishti nuk i qortoi farisenjtë për kujdesin e tyre për gjërat e vogla, por vetëm sepse ata duhet të kishin bërë gjërat më të rëndësishme të ligjit. "Këto gjëra (më të rëndësishme) duhet t'i bënit, pa i lënë pas dore të tjerat (gjërat e vogla)." (Lluka 11:42).

Ndoshta ti mendon që: "N.q.s. unë vishem kështu, duhet të blej shumë rroba të reja, dhe nuk jam në gjendje ekonomike ta bëj këtë." Motra jonë e dashur, ti nuk je në gjendje shpirtërore të mëkatosh. N.q.s. ti je një besimtare e vërtetë, ti ke ardhur tek Krishti me vendimin që të braktisësh çdo mëkat, dhe për t'iu bindur vullnetit të Zotit plotësisht, me çdo çmim. N.q.s. ti ke dëshirë për ta bërë të drejtën, për t'iu bindur Perëndisë, do të gjesh një udhë për t'u veshur drejtësisht. Perëndia është besnik dhe do të të ndihmojë. Ti je në gjendje shpirtërore për ta ndryshuar mënyrën e veshjes sate. Ti nuk je në gjendje shpirtërore për të mëkatuar ose për të tunduar të tjerët për të mëkatuar.

Bukuria jote është nga Zoti dhe nuk ka asnjë problem me të. Ajo nuk

është e keqe ose e gabuar si të gjitha gjërat që Perëndia krijoi, për të cilat Ai ka thënë "ishin shumë mirë." Por, n.q.s. ti nuk ke kujdes, ti mund të shpërdorosh bukurinë tënde. N.q.s. ti shfaq trupin tënd në mënyrë që të gjithë burrat mund ta vëzhgojnë, mund ta lakmojnë dhe mund të mëkatojnë, ti përleëvdon vetëm vetveten dhe i shërben djallit. Përkundrazi, bukuria jote është krijuar prej Zotit për një qëllim: gruaja u krijua për burrin. (1 Kor. 11:9). Kjo do të thotë që bukuria jote është për një burrë, jo për shumë burra. N.q.s. Zoti të ka bashkuar me këtë burrë, atëherë jepi bukurinë tënde këtij burri me gjithë zemër. Përdore bukurinë tënde që të kënaqësh burrin tënd. N.q.s. ti përdor bukurinë tënde kështu, do ta përleëvdosh Perëndinë, i cili ta dha.